

GEORGII HENR. AYRERI D.

ORDINIS IVRID. H. T. DECANI

DE

RECVRSV AD COMITIA

PER

CAPITVLAT. CAES. NOVISS.

RESTRICTO NON SVBLATO

COMMENTATIO PROLVSORIA

LECTIONIBVS HIBERNIS



PRAEMISSA.


---

GOTTINGAE,

LITERIS IO. CHRIST. LVDOLPH. SCHVLTZII A CAD. TYP.

CIC IO CC XLIII.





**I**nter alia plura, quae sapientissimo S. R. I. Electorum *Prooemium, in*  
 consilio in Capitulatione nouissima nouiter sancita *quo scribendi*  
 atque [ab Augustissimo Imperatore Carolo VII. sanctissi- *occafio insti-*  
 me promissa sunt, memoratu inprimis dignus est tenor Ar- *tique ratio*  
 ticuli XVII. per quem & ordinaria Supplicationis ac Re- *exponuntur.*  
 uisionis beneficia, contra sententias a summis imperii  
 tribunalibus, iudicio Caesareo aulico scilicet & camera  
 imperiali, latis, partibus litigantibus permissa, suis, ne  
 lites fiant immortales, limitibus circumscribuntur, & re-  
 medio illi extraordinario modus ponitur, cuius ope tum  
 superiori, tum nostro saeculo plures imperii status alique  
 etiam, de iudiciis istis supremis conquerendi causam se  
 habere, existimantes, ad ipsa imperii comitia recurre-  
 runt. Sicuti autem non omnes cum querelis suis ibi ad-  
 missi, sed plerique inde repulsi fuerunt; ita eo nota-  
 bilius in iure nostro publico huius Recursus est nomen,  
 quo frequentioribus acrioribusque procerum imperii con-

tentionibus illud fuit celebratum. (\*) Neque viri docti & publici iuris prudentes, suam hac in parte operam desiderari, passi sunt, quin potius plures argumentum hoc scriptis suis vel in transcurso solum, vel ex professo illustrandum sibi sumserunt, quos infra passim nominandi nobis dabitur locus. Sed omnium fere diligentiam hic superavit, qui de iure publico Germaniae iam plus vno nomine praeclare meritus est, Cel. MOSERVS. (\*\*). Is enim non solum casus, in quibus causae etiam iustitiae ad conuentum imperii delatae sunt, ex actis publicis studiose collegit, sed etiam, statu controuersiae rite antea formato, quae in vtramque partem adferri solent, argumenta sigillatim excussit, leges imperii, quae Recursui ad comitia vel fauere, vel aduersari videntur, probe examinavit,

(\*) Vid. LONDORPII *Acta publ.* T. V. L. 1. c. 104. p. 315. sqq. THVCELII *Reichs: Staats: Acta des XVIII. Saec.* T. I. c. 3. T. II. c. 3. T. IV. c. 17. T. V. c. 7. SCHWEDERI *Theaurum praetensionum & controuersiar. illustr.* T. I. p. 617. T. II. p. 510. & 627. sq. STRVVII *Historie der Religions: Beschwerden*, P. II. p. 333. & 364. LVNIG in der *Grundveste Europ. Potenzen Gerechtsame* T. I. p. 228. *Monathl. Staats: Spiegel*, Fabri *Staats: Cangeley, Electa inris publ. Reichs: Hofr. Conclusa, Reichs: Fama*, passim in variis harum collectionum Tomis. *Selecta iuris publ. nouissima* P. I. c. 1. 2. 4. 7. & 17. item P. II. c. 5.

(\*\*) In der Historisch: und Rechtl. Betrachtung des Recursus von denen höchsten Reichs: Gerichten an den Reichs: Conuent.

nauit, nihilque fecit reliqui, quod ad stabiliendum statibusque imperii asserendum hoc libertatis Germanicæ asy- lum pertineret. Etiam si igitur valde mihi verendum sit, ne, quod aliis, actum agere suscipientibus, exprobrari solet, idem mihi quoque obiiciatur, multisque conatus hic meus frustraneus atque inutilis plane videatur; etiam si porro ipsa grauitas argumenti, quoad applicationem inuidiosi maximisque difficultatibus implicati, a scribendo me potuisset deterrere: quum tamen nondum omnia ita exhausta fuerint, quin, melle licet iam facta, vel spicilegii aliquid supersit, sed nouam potius segetem & materiam disputationis hic suppeditet lex imperii fundamentalis recentissima; nec inopportunum, nec a studiis meis alienum putauit, hac inprimis tempestate, cum ad praelectiones iuris publici me accingo, prolusionis loco, quaedam de controuerso illo & pleno dissensionis Recursu ad comitia commentari. Qua ipsa in commentatiuncula sicuti ab omni partium studio longe remotus exempla nostrae & superioris aetatis studio praetermittam; ita tantum, quid de usu vel abusu huius remedii, secundum vniuersalis iurisprudentiae placita, reip. German. habitum ipsasque imperii leges statuendum sit, dispiciam, ut medium inter duo extrema teneam, neque vel summorum imperii tribunalium auctoritati, vel principum Germanorum libertati quidquam detraham, sed suum utrisque tribuam, summo-

## VI RECVRSV AD COMITIA

pere annisurus. Quo minus autem ab hoc aberrem scopo, rem paulo repetere altius iuuabit.

### §. I.

*In rep. iudices  
non minus,  
quam leges,  
sunt necessa-  
rii.*

Non solum legibus armatam, sed etiam armis ac potestate iudicum decoratam esse oportere quamvis remp. bene ordinatam, nemo facile infitias iuerit, qui, ad supremam illam legem, salutem, puto, & tranquillitatem reip. animum aduertens, perpenderit, frustra reges ac principes praecepere, nisi simul constituent, qui ciues ad obedientiam adigant, inutiles esse sanctiones atque constitutiones omnes, etiam sapientissimas, ubi magistratus deficiunt, qui eas accurate custodiant transgressoresque promeritis adficient poenis. Quantumcunque adeo in contexenda historia iuris Rom. quod passim obseruant eiusdem scriptores recentiores, hallucinatus fuerit POMPONIVS, celebratissimus Enchiridii, cuius fragmentum in l. 2. D. de O. I. exhibetur, conditor; vel inde tamen summam laudem meruisse visus est viris summis (\*); quod iudiciorum in omni rep. ineuitabilem necessitatem luculentissimis verbis complexus est. *Quantum est enim, ait, ius in ciuitate esse, nisi sint, qui iura regere possint?* cui effusato plane sunt consentanea, quae Imperator IUSTINIANVS Non.

(\*) Vid. ERICVS MAVRITIVS in Diss. de Sacr. Caes. Maest. & imperii iudicio aul. §. 1. quae inter *Dissertationes eius & opuscula*, junctim edita, extat pag. 368.

Nou. CLXI. pr. de inutilitate legum, custodibus suis ac vindicibus carentium, praefatur. Non in solis igitur Graecorum, Romanorum aliarumque gentium moratiorum rebus publ. tam varia magistratuum iudiciariam potestatem exercentium genera, sed nullum quoque populum fere tam barbarum tamque immanemprehendimus, quin suis sit iudiciis aequae, ac legibus, instructus. Neque ipsis maioribus nostris, apud quos tamen plus valuisse bonos mores, quam alibi bonas leges, ex TACITI libello aureo de *moribus Germ.* decantatissimum est, suos defuisse iudices, inter omnes rerum Germanicarum & historiae patriae non plane ignaros constat.

## §. II.

Sed quantumvis necessarii sint in societate civili iudices; quantamcunque utilitatem reip. adferat iudiciorum, curiarum ac tribunalium multitudo; siquidem, quo plures sunt, qui causas controuersas diiudicent, eo promtius iustitia, ne pereat mundus, fieri faciliusque suum cuique tribui potest; mirum tamen quantum nocet, uti ordinis in litibus tractandis turbatio, ita in illis decidendis nimia & procrastinatio & festinatio, terminorum item tum partibus litigantibus, tum iudicibus positorum, confusio atque transgressio.

*quo pluribus iudicibus causae rite expendantur, eo melius procedunt.*

## §. III.

## §. III.

*Hinc varia & suspendendae & ad alios iudices deuoluendae litis inuenta sunt media.*

Quae omnia, quantum quidem per rerum humanarum fragilitatem atque imbecillitatem fieri potest, cuitari quum maxime intersit reipublicae, ne scopo suo, qui in recte vnicuique administranda iustitia consistit, excidant iudicia, in ciuitatibus constituta; salutari consilio in omni ordine iudiciario receptum est, vt lites, inprimis vbi de illis definiendis agitur, suspendere, & non solum caussae suae momenta coram eodem iudice denuo dilucidius proponere eorumque discussionem accuratiorem eius curis posterioribus relinquere, sed etiam ad alios iudices deuoluere, atque secundum gradus, quibus sibi inuicem sunt subordinati, ab inferioribus ad superiores deferre liceat. Non minus enim vere, quam apposite, in hanc rem & ad mentem iuris canonici (\*), scribit magni nominis Ictus: (\*\*) *Per plura iudicia causas ideo decurrere utile atque necessarium est, quo multorum iudiciis ventilata veritas clarius aperiatur, & quod a pluribus quaeritur, facilius inueniatur.* Vnde tot remedia iuris tam ordinaria, quam extraordinaria, inuenta & sub notissimis Reuisionis, Supplicationis, Leutationis, Appellationis, Restitutionis in integrum, querelae nullitatis, Syndicatus & si quae

(\*) Vid. c. 3. D. 20. & c. 21. X. de off. & potest. ind. deleg.

(\*\*) MEVIVS P. I. D. 259. n. 9.



quae sunt alia, nominibus in forum introducta sunt, quae hic sigillatim percensere non fert nostri ratio instituti.

#### §. IV.

Facile quis propterea iurisprudentiam nostram naevi haud levis accuset, cum tot morarum indulgentia lites, quas tamen ocysissime finiri expedit reip., admodum procrastinentur. Verum enim vero quum non minus intersit, cauere, ne immerentes nimia opprimantur festinatione, & vtramque partem satis superque audiri ius & aequitas suadeant, spe ac praesumptione certius ad metam optatam, iustitiam scilicet, perueniendi, tarditas illa & cunctatio, qua res collapsurae saepe restituuntur, facile compensantur. Sicuti tamen in rebus plerisque aliis; ita hic etiam hominum vitio maximus sese abusus exserit. Vnde, ne in infinitum lites extrahi queant a refractariis, sed ut sua tandem constet rebus iudicatis auctoritas, certi a summa in qualibet rep. potestate fines, quos transgredi nequeant litigantes, constituendi sunt, adeoque, praeter inferiora Themidis sacra, summum aliquod tribunal stabiendum, quod ultimam rei cognitionem atque decisionem habeat, a nemine amplius listendam interuertendamue.

*In summa tamen aliquo iudicio tandem subsistendum.*

## §. V.

*Iudiciorum in  
Germania ha-  
bitus anti-  
quus & nouus  
strictim expo-  
nitur, & sum-  
ma imperii  
tribunalia in-  
dicantur.*

Quae iudiciorum in Germania facies inde ab antiquissimis temporibus ad nostram vsque aetatem, qualisue iudicum subordinatio fuerit, longum foret hoc loco ex historiarum monumentis commemorare. Totum quoque hunc campum iam dudum emensus est vir, de iurisprudentia publica & priuata non minus, quam de antiquitatibus Germanicis & omni re literaria, immortaliter meritus, HERM. CONRINGIVS (\*). Id tantummodo hic obseruasse in sequentibus nobis profuerit, causas etiam iustitiae olim in comitiis tractatas & controuersias principum maximi quoque momenti in iudicio parium (\*\*), intra breue saepius temporis spatium, simplici ac plana ratione & leuato velo, sine omnibus ambagibus, ex aequo &

(\*) In Exercitat. de iudiciis reip. Germ.

(\*\*) De quo, praeter IOH. VOLCKM. BECHMANNVM, IOH. CONR. SONDERSHAUSEN & WINTHERVM, vid. SCHOTTEL. de singular. quibusdam & antiquis Germaniae iuribus, cap. V. Vom Hirschen-Recht, & conf. STRVV. de iudiciis Heroic. Add. Ill. IOH. IAC. MASCOV. in eleganti diss. de paribus curiae. Facit quoque huc breuis, sed tersus, Ill. BVDERI ad ord. ind. cam. P. II. Tit. 7. commentarius de Imperatore ipso iudice, in Amoenit. iur. publ. obs. VII. pag. 148. sq. ibique laudatus V. C. CHRIST. GOTTL. HALTAVS in Memoria iur. publ. cersi S. R. I. ex medio aeno ope dilem. erusa, Sect. III. §. 2. sq.

& bono decisas fuisse (\*). Quemadmodum vero neminem, qui memoriam superiorum saeculorum recolit, latere potest, successu temporis sensim pedetentimque a priscis moribus recessum esse, ac turbulento inprimis reip. statu, quo non ita crebro congregati erant imperii proceres & aulicum imperii tribunal rarolitigantibus patebat (\*\*), partim iudicia Austregarum (\*\*\*) inualuisse, partim causas quam plurimas, inter potentiores praesertim, armis magis, diffidatio-

(\*) Vid. LVDOLPH. HVGO in diss. sub praefidio HENR. BINNII Helmst. 1661. hab. & Lips. 1736. *recusa de statu regionum Germ. c. IV. §. 36.* ibique cit. LEHMANNVS *Chron. Spir. L. II. c. 39. §. 3um* jehnden. Add. Scriptores, qui ex instituto de Comitibus & magno quidem numero egerunt. Conf. quoque GERKEN f. PAVL. HENNING. in *otio Vienna Ratisb. f. de voto consilii Caes. imp. aul. ad Sac. Caes. Maieft. indeque sumto Recursu in causis iustis. ad comitia. c. XIV. §. 2. & Quinquagesimum Camer. Quaest. I. in Append.*

(\*\*) Vid. DATT. de *pae imp. publ. L. I. c. 5. n. 36. lqq. & c. 27. n. 60.*

(\*\*\*) Quae plures data opera scriptis suis illustrarunt. Vid. inprimis HENR. COCCEIVS de *Austregis*, item de *Notione & executione Austregar.* GEORG. SCHVBARVVS de *Austregis imperii Rom.* IOH. STRAVCH. de *Austregis*; SAM. STRYCK de *foro*, item de *processu Austregar.* TEXTOR de *foro Austregali.* Add. Ill. KOPP. von denen Obmannen der alten Teutschen; in denen auserlesenen Proben des Teutschen Lehnrechts. Cel. SCHOEFFIVS de *Arbitris necessariis*; HILLER de *liberar. S. R. G. I. Civitatum iudicio amicali*, apud MO-

dationibus & iure manuario, quam iudiciis alias consuetis, agitatae fuisse; ita post receptionem iurium peregrinorum potissimum, introductam cum legibus papalibus impeditam illam, morosam & ab antiqua simplicitate longe diuersam procedendi rationem, indeque natam litium diuturnitatem, fieri amplius non potuit, ut priuatorum causarum forenses in conuentibus imperii ad breuius solummodo tempus durantibus & vix ad peragenda, propter quae tamen praecipue instituebantur, negotia publica sufficientibus, ventilentur. Quare ipsa necessitate exigente & utilitate suadente, ne tempus, deliberationibus reip. causa suscipiendis dicatum, priuatis litibus diiudicandis absumeretur, ea temporibus Maximiliani I. Caroli V. & Ferdinandi I. rei iudiciariae mutatio contigit, (\*) ut suprema iuris dicendi potestas summis imperii tribunalibus, camerae & iudicio aul. committeretur, nihilo tamen minus ephoria, siue suprema inspectio in administrationem iustitiae, id quod vel Deputationes Visitationesque imperii (\*\*) satis testantur, Imperatori & imperio reseruaretur.

## §. VI.

SERVU in *Syntagm. Dissert. Select. iur. publ.* N. XVII.  
 WALDSCHMIDT de *passis Ganerbinat.* in App. n. 1. sqq. &  
 de *Austregis Comit.* Dissert. III. SENCKENB. *Flores sparsi ad  
 Ins Austregarum.*

(\*) Conf. BERNH. L. B. DE PLESSEN *Comment. Hist. pol.  
 iurid. de Libertate Germ.* cap. III. §. 22.

(\*\*) Vid. *Recessus Deput. & Visit. & conf. protocolla Deputator.  
 imp.*

§. VI.

Ab his, quae summa in Germania audiunt, iudiciis ad alium adhuc iudicem prouocare & incongruum atque contradictorium, &, cum noua post tot alias iuris obtinendi ambages mora parti victrici maximo saepe obiciatur cum ipsius dispendio, iniustum videtur. Reuera tamen id fieri, experientia docet, ac Recursus tam ad curiam Rom., quam ad comitia imperii, satis luculenter ostendit

*A quibus vlt.  
terius promo-  
care nefas.*

§. VII.

Prouocationes ad sedem Rom. nunciosque Apostolicos iam nihil moror, cum dudum explosa sit superstitiosa illorum opinio, qui, Imperatorem dignitate, potestate atque auctoritate pontifici Rom. postponentes, omnis iurisdictionis aquam, vt verbis vtar nonneminis, ad quem prouocat LIMNAEVS (\*), PETRI scilicet DE FERRARIIS, cuius nomen nobis indicat Perill. Dn. Cancellarius BOEHMERVS (\*\*), in molendinum papae deriuare conati sunt. Quidquid etiam vsurpationis papalis hac in parte

*De Recursu  
ad sedem Rom.  
incidenter.*

imp. ad punctum iustitiae, quae exhibet Perill. ac Generos. Dn. de MEIERN T. II. *Añor. comit. Ratisb. Add. Eitel*  
Fried. von Herdens Grundveste des Heil. Röm. Reichs P. III. c. V.

(\*) *In iure publ.* L. II. c. 9. n. 94.

(\*\*) I. E. P. L. I. Tit. 30. §. 16.

parte remansit, sanctionibus poenalibus (\*) aduersus temerarios eiusmodi prouocatores, in capitulatione quoque nouissima Art. XIV. repetitis, cohibetur (\*\*).

### §. VIII.

*Recurfus ad comitia unde dicatur & quid sit, explicatur.*

An vero & quousque Recursus a summis istis tribunalibus ad ipsa comitia imperii pateat, anceps est quaestio, magnis animorum motibus saepe in vtramque partem disputata. Dici Recursum a verbo recurro, non est, quod cum nouissimo iuris publici institutore, Generosiss. Dno IOH. MAXIMIL. a GVNDERRODE (\*\*\*), moneamus, quum, vnde dicatur, in oculos statim cuique incurrat. Neque, circa ipsam vim vocis vt subsistamus diu, necesse est, quoniam Latini sermonis haud imperitos fugere nequit, vocabulo Recursus non simplicem semper citatumue reditum, sed refugium subinde ad locum tutum, vbi quis auxilium quac-

(\*) Vid. *ordinat. cam.* p. III. T. 51. & *conf. R. I.* nouiss. §. 164.

(\*\*) *Conf. SEILERS in Decis. f. praead. cam. Tit. Appellare quibus & a quibus &c. FABRI Staats, Canzley T. IV. n. 1. BILDERB. Teutscher Reichsstaat P. I. cap. VI. §. 4. extr. Cel. KEMMERICH in diss. de iudiciis, quam vocant, Nunciaturae Apostol. Add. Conclusum iudicii Caes. aul. quod exhibetur in Appendice, Commentationi nostrae de iure primar. precum adiecta, N. XLVIII. §. 4 & 5.*

(\*\*\*) In der Abhandlung des Teutschen Staats, Rechts L. XI. cap. 7. §. 2.

quaerit salutique suae consulere studet, significari, quod vel solus apud LIVIVM (\*) locus satis demonstrat. Longe vero meliori iure Augustissimum totius imperii Rom. Germ. senatum, qui nomine comitiorum venit, quam quemquam alium in ceteris regnis, *refugium innocentiae & robustissimum repagulum inter potentiam magnatum & imbecillitatem pauperum, cor & chypeum imperii, ac quandam quasi effigiem prisco illius & veteris maiestatis, omni veneratione a summis infimisque prosequendae dici posse*, contendit ARVMAEVS (\*\*). Non poterat adeo commune illud ultimumque litigantium a summis imperii tribunalibus, in lite vel tractanda vel decidenda illegitime forte versatis, ad Imperatorem & vniuersos imperii ordines, melioris iuris consequendi, & damni, ad alia quoque reip. Germ. membra inde redundantis, auertendi causa perfrugium, commodiori aptioriue, quam Recursus, nomine denotari.

### §. IX.

Quid igitur sub illo intelligendum sit, quid minus, facile ex dictis adparet. Non enim remedia, quae ad finem aliquid habent cum Recursu ad comitia, huc trahenda esse, cum supra laudatus MOSERVS (\*\*\*), tum Ill. RECHENBERGIVS

*Remedia Recursui ad finem breuiter re-consensurus & ab illo distinguuntur.*

GIVS

(\*) L. XXVI. c. 42. extr.

(\*\*) In *Comment. de Comitibus Rom. Germ. imperii* cap. I. n. 8.

(\*\*\*) l. c. cap. I. §. 2. seq.

GIVS(\*), acutissimus iuris tam publici, quam privati, interpres, probe monent. Neque adeo beneficium Reuisionis, in camera imperiali, neque remedium Supplicationis, in iudicio Caes. aul. vñtatum huc spectare, inde patet, quod, etiamsi vtrumque melioris iuris obtinendi gratia soleat adhiberi, neutrum tamen ad ipsum imperii conuentum dirigitur, sed alterum apud Reuifores, ad Reuisionem actorum cameralium deputatos, instituendum est, alterum intra ipsius tribunalis cancellos terminatur. Nec illi casus ad Recursum pertinent, vbi Imperator, vel imperium immediate imploratur, atque iurisdictio summi tribunalis nondum est fundata; aut, si ad preces alicuius comitia, vel vnum alterumue corpus ordinum, in illis congregatorum, pro caussa rite audienda, promouenda iustitia, vel executione acceleranda officia sua interponat; quandoquidem partim nemo, quamdiu iudicii alea nondum iacta est, inuitus cogitur litigare, partim sola eiusmodi commendatio iurisdictionem non intercipit, sed iudices tantum stimulat officiique sui monet. Syndicatus vero querela, qua sententia, ex dolo, corruptione, affectu vel similibus caussis nulliter & inique lata, impugnatur, ideo sub hocce remedio comprehendi nequit, quia nec illa cognitionem caussae ad comitia transfert (\*\*), vti honoratiss. collega noster, Dn.

BOEH-

(\*) In programme eruditissimo, quo anno 1737. summos in vtroque iure honores duobus Candidatis tribuendos intimauit, pag. 10. sqq.

(\*\*) Vid. R. I. Ratisb. de 1532. Tit. 3. Cammer-Gericht betreffend, §. 17.



BOEHMERVS, peculiari opera, huic argumento destinata, proxime pluribus exsequetur. Neque Recursus dici potest, quando vel Imperator caussam, in iudicio aul. pendentem, sponte ad comitia deferat, quod ipsi secundum I. P. O. Art. V. §. 54. in *caussis maioribus* praecipue, & unde tumultus in imperio timeri possent, liberum est (\*), vel camera imperii ex officio de lite aliqua ad illa refert; siquidem, vtramque relationem iudicis spontaneam & remedium iuris, a partibus instar querelae electum, longe inter se differre, quilibet videt.

## §. X.

Tale vero remedium regulariter pro illicito habetur, nisi leges imperii illud vel expresse, vel tacite permittant. Haud igitur inmerito HAPPELIVS (\*\*) censuram incurrit Ill. KIPPINGII (\*\*\*), quod Recursum ad comitia vltimum iuris ac iustitiae auxilium adpellauit. Neque enim adeo recte sentire videntur, qui comitia, ad quae fit Recursus, loco supremæ & vltimæ instantiæ habent, atque ex conuen-  
tu

*Rekursus ad comitia regulariter est illicitus, nec pro vltima instantia habendus.*

(\*) Conf. *Electa iur. publ.* T. II. p. 939. sq.

(\*\*) In *diff. de Recursu ad Caes. Maest. vel comitia vniuersalia*, Thes. III.

(\*\*\*) In *diff. de Sedes supremorum iudicior. Imp. Rom. Germ. cap. IV. §. 3.*

tu imperii supremum appellationum tribunal faciunt (\*). Quamvis enim, uti iam supra indicauimus, negari non possit, in comitiis olim etiam causas iustitiae agitatae & frequenter ad summum Imperantem, ob protractam inprimis & denegatam iustitiam, prouocatum fuisse (\*\*); non minus tamen constat, iam dudum, quod itidem in praecedentibus dictum est, ne res priuatae publicis, publicae priuatis amplius miscerentur, sed separatis utraque deliberationibus adstringerentur, supremam iuris dicendi auctoritatem summis imperii tribunalibus relictam esse, atque hinc ultimam etiam causarum litigiosarum cognitionem ad ea spectare, quae, donec Imperatori & imperio, unde hanc potestatem suam acceperunt, aliud videatur, ipsis auferri nequit. Clare hac de re dispositum legimus in R. I. nouiss. §. CLXV. & CLXVI. dignaque imperatoria maiestate vox est, qua, se auctoritatem utriusque tribunalis intemeratam conservaturos neque illorum processum vlla ratione impedituros esse, & praecedentes Imperatores, & Augustiss. Carolus VII. nuper, sub iurisiurandi religione, asseuerarunt (\*\*\*).

## §. XI.

(\*) Quem errorem notauit AVCTOR rerum comitialium valde peritus apud Ill. ESTOR. de iudicio procerum in Append. de ordinum perfugio ad conuentum imperii, quod Recursum vocant §. XV.

(\*\*) Conferri hic meretur, qui multa cum industria & magno eruditionis adparatu hanc rem pertractauit, coniunctissimus collega, Vir Ampliss. GEORG. LVD. BOEHMER, in diss. inaugur. de prouocationibus iur. Germ.

(\*\*\*) Vid. Capitulat. Art. XVI. §. 7. & 16. Art. XVII. §. 1.

# §. XI.

Non omnimodo tamen prohibitum esse Recursum ad comitia, exceptiones ostendunt, ipsis imperii legibus comprobatae, regulamque in casibus non exceptis firmantes. Quinam vero sint illi casus, qui vel expresse, vel tacite excipiantur, de eo non conuenit inter iuris publici doctores. Alii enim nimium arctis illos constringunt limitibus, alii tam late extendunt, vt regulam, secundum quam prohibitus esse censetur Recursus, paene totam subuertant. Inter iuris cameralis scriptores B. LVDOLFVS Recursui locum dedit (\*); *quando iudex supremus, aut non potest, aut non vult suofungi officio*. Quod cum nimis generaliter dictum videatur, maiorem omnino gratiam iniiit ab harum rerum cupidis MOSERVS (\*\*), quod illum in plures classes diuisit & variis vnamquamque illarum exemplis illustrauit. Sed nimium angustis Recursum cancellis ab eo includi, existimat Dn. de GVNDERRODE (\*\*), nihil interesse, contendens, mediatusne, an immediatus sit Recurrens, vtrum res ad comitia deferenda ipsum solum, an alios simul

*Dantur tamen variae exceptiones a regula, quas aliter determinant alii.*

(\*) In *Commentat. System. de iure cam.* Sect. I. §. 1. p. 18. sq. & in App. III. §. 1. p. 129.

(\*\*) l. c. cap. I. §. 9. sqq. & cap. 2. sq.

(\*\*\*) l. c. §. 9.

mul status respiciat, publicine, an priuati sit iuris, sed ad eam potissimum quaestionem redire totam Recursus causam, an in casu substrato iustitia fuerit protracta, vel denegata? Qua in re annon ipse pariter, atque Auctor anonymus, ab ipso in partes suas vocatus, atque ab Ill. ESTORE Appendiculae loco productus, nimis longe processerit, aliis diiudicandum relinquo. Sicuti vero, hic suo quemlibet abundare sensu, facile patior; ita iis praefertim, qui, ad negotia publica admissi, rerum comitialium peritiores sunt, quam qui in scholarum umbraculis versantur, lubens palmam do, nisi me opinio fallit, veniam erroris, in excutienda quaestione satis spinosa & perplexa forte irrepentis, ab aequis rerum existimatoribus haud difficulter impetraturus.

## §. XII.

*Ad duas classes reducuntur casus, in quibus Recursus locum habet.*

Qua spe freto, periculum mihi facere licebit, an media, qua ire semper tutissimum est, incedens via metam contingere queam propositam. Ad duas autem classes mihi videntur commode reduci posse casus Recursus omnes, qui vel in legibus imperii diserte sunt expressi, vel per bonam, vt aiunt, consequentiam ex illis elici solent. Altera comprehendit eos, qui ad ipsam decisionem causarum iustitiae spectant, illos altera, qui ad grauamina de administratione iustitiae pertinent. De illa, quae

quae casus, legibus expresse determinatos, continet, primum dispiciam, alteram, vt pote casus, qui tacite tantummodo permitti censentur & ad obseruantiam imperialem referuntur, complexuram, deinde perlustrabo.

### §. XIII.

In prima classe primo collocandus est loco casus, vbi de ambiguo & latente legis imperialis sensu inter partes litigantes disceptatur. Quemadmodum enim interpretatio legis dubiae non vltima potestatis legislatoriae pars communi doctorum consensu habetur; ita, illam non iudici, cuius vices solummodo summa imperii tribunalia explent, sed legislatori, quem, secundum reip. Germ. formam, Imperator & proceres imperii simul constituunt, competere, tralatitium est. Quid? quod ex hac ipsa ratione per R. I. de A. 1654. §. 191. ne quidem conuentibus deputationum, quibus tamen inspectionem in summa imperii Dicasteria demandatam fuisse, supra tradidimus, casus dubios ex Instrumento pacis interpretari permitti esse, constat (\*). Expresse etiam in Capitulatione nouissima Art. II. §. 5. sancitum est, vt interpretatio modo dicti

*Prima classis continet casus, per leges imperii expressos, & quidem Primum, vbi de interpretatione legis dubiae quaeritur.*

(\*) Conf. CHRIST. GODOFR. HOFFMANNI Diss. iur. publ. de ratione interpretandi leges imperii Rom. Germ. publicas cap. V. §. 7.

dicti Instrumenti pacis Westphalicae aequae, ac aliarum imperii constitutionum, nec iudicio Caes. aulico, nec camerae imperiali, relinqui debeat, sed ab vniuerso imperii ordinum consensu pendere. Sed probe in hanc rem contra BUCKSCHIVM, bene hic depexum, obseruat HENNINGESIUS(\*), interpretationem non tam causae, quam legis potius, id est, constitutionum ac recessuum imperii, ad comitia remittendam esse, vnde similes forte causae, alias in iudicio secundum reliqua iura communia decisae, praeiudicium quidem, vt Icti loqui amant, in iudicando, nullam vero in statuendo interpretandoue iure, quippe quod Imperatoris & statuum imperii est, authenticam decisionem inducunt, qua plane opus non foret, si ex iudicum sententiis illa posset hauriri. Dubium quoque, vt recte monet, Ill. RECHENBERGIUS (\*\*), circa explicationem legis subortum, non putatiuum, aut adfectatum, sed verum atque ita comparatum esse oportet, vt non aliter, quam per authenticam interpretationem, tolli queat. Quodsi enim ad comitia recurrere liceret, quotiescumque inter partes litigantes de genuina legis alicuius mente, quam semper vtraque in rem suam detorquere studet, ferta contentionis reciprocatur, summum vero imperi tribunal, adhi-

(\*) Meditat. ad I. P. Art. V. §. 56. not. c. p. 785.

(\*\*) l. c. pag. 16.

adhibitis bonae interpretationis regulis, vel alterutri, vel neutri parti in lege interpretanda calculum adiicit suum, atque in caussa, prouti aequum rectumque visum fuerit, pronunciat; non sine ratione metuendum foret, ne saepissime cursus iustitiae, qui tamen neutiquam impediri debet, sistatur, maximique salutaris ceteroquin, si intra recti vsus limites contineatur, & libertati statuum imperii admodum proficui remedii abusus oriantur, ad quos tollendos nihil aliud superest, quam vt ii, qui in sententia tribunalis eiusque interpretatione doctrinali acquiescere nolunt; ad ordinaria remedia Reuisionis vel Supplicationis ablegentur.

## §. XXIV.

Secundum in hac classe locum assignamus casui, si partes, de iure contendentes, diuersae sint religionis & paritas votorum inter assessores vtriusque religionis existat, ita quidem, vt omnes Catholici in vnam, A. vero C. adducti in contrariam abeant sententiam. Quia enim eiusmodi dissensus facile posset excitare suspicionem, magis in suffragando respexisse assessores ad religionem; quam ad iustitiam caussae, ratio est in promptu, cur res in comitiis tunc sit componenda. Immo hoc aeque, ac superiori casu, tribunalia ex officio quoque, etiam si partes nihil

*Secundum, ubi paritas votorum inter vtriusque religionis assessores existit.*

mone-

monerent, causam ad comitia remittere iubentur per I. P. Art. V. §. 55. (\*).

### §. XV.

*Tertium banni decernendi.*

Tertium locum hic occupet casus banni decernendi, vbi secundum expressam dispositionem Capitulationis Caes. Art. XX. causa quidem criminalis in summis imperii tribunalibus instrui, sed in comitiis per sententiam, ab Imperatore & vniuersis Germaniae proceribus approbatam, tandem debet definiri (\*\*). Quae Recursus ad comitia species, si qua vnquam, originem suam haud dubie ad antiquum illud iudicium procerum, siue parium curiae refert, cuius in antecedentibus fecimus mentionem (\*\*).

### §. XVI.

*Secunda classis completitur casus, tacite permisso, qui maiori numero variis ex causis occurrunt.*

Longe ditior affluentiorque casibus est classis altera, vbi querelae de minus recte administrata iustitia nobis occurrunt. Quod eo minus mirum videri debet, quo magis constat, vel raro, vel nunquam vtrumque litigantium

con-

(\*) Conf. AVCTOR *Meditat. ad I. P. W. h. I. Add.* HOFFMANN, l. c. cap. IV. §. 5.

(\*\*) Conf. Perilli Dn. LVD. BERNH. L. B. DE ZECH in *Diff. de proscriptione statuum imperii R. G.*

(\*\*\*) Vid. Dn. ESTOR in *Libello de iudiciis principum fundamento & radice pronocationis, vulgo Recursus ad comitia.*



contentum esse sententia, a iudice, ad quem caussae decisio spectat, lata, sed plerumque victum, ut moras ne-ctendo nouumque victori negotium facessendo executionem rei iudicatae impediat, de iustitia male administrata queri. Notum praeterea est, quam solertes atque ingeniosi sint caussarum patroni ad excogitandas varias artes fraudesque, quibus saepe res clientum suorum deperditas restituere satagunt, si vel desperatissimum etiam ipsis per-fugium ope & consilio suo debeant suppeditare. Plura quoque tacita legis permissione, quam expressa, sibi lice-re, facile sibi persuadent homines, quorum actionibus conatibusque legis obstat prohibitio. Variis hinc conclu-sionibus legem alteram ex altera explicant, atque in rem suam, per longiores licet anfractus & circuitus, flectere student.

## §. XVII.

Leges, quae ultra expressam concessionem atque dispositionem antea memoratam Recursui ad comitia fa-uere videntur, duae potissimum adferri atque vrgeri so-lent. Altera petitur ex I. P. O. Art V. §. 56. per quem clare sancitum est, ut *in aulico non minus, quam in came-rae imperialis iudicio, priuilegium primae instantiae, Au-stregarum, iura & priuilegia de non appellando statibus imperii illibata sint, nec per mandata, aut commissiones,*

*Leges imperii, ex quibus ta-cita Recursus permissio elici-tur, adducun-tur.*

D

aut

*aut auocationes, aut quouis alio modo turbentur. Quae omnia in Capitulat. Caes. Art. XVIII. §. 4. sq. repetuntur. Altera lex ex Capitulatione Caes. Art. XVI. §. 16. arcessitur, vbi verba ita habent: Was auch einmahl in erstgedachten vnserem Reichshofrath oder Cammergerichte in iudicio contradictorio, cum debita caussae cognitione, ordentlicher Weiſs abgehandelt und geschlossen ist, dabey soll es förderst allerdings verbleiben, vnd nirgend anders, es sey dann durch den ordentlichen Weg der in oftermeldeten Friedensschluss beliebter, vnd nach dessen Art. V. §. quoad processum iudiciarium, anstellender Reuision oder Supplication von neuem in Cognition gezogen. Addi quoque tertio loco hic potest Decretum commissionis Imper. MDCCXV. d. iv. Sept. publicatum. (\*) Quamuis enim Imperator initio ibi admodum improbet Recursum ad comitia in caussis iustitiae; in fine tamen, illum non plane praeclusum statibus imperii, sed apertum esse, vult; auf den Fall, da derselben einig erhebl. Beschwerden wieder dero höchsten Reichs-Gerichte oder deren besondere Glieder mit rechtem Grund geziemend beygebracht werden wolten. Si denique, cum Ill. RECHENBERGIO (\*\*), a libertate coram mandatariis imperii, commissariis scilicet came-*

(\*) Quod habes in *Eleß. iur. publ.* T. IX p. 62. & apud MOSERVM in der Betrachtung des Recurses c. II. §. 59.

(\*\*) l. c. pag. 27.

## RESTRICTO NON SVBLATO. XXVII

cameræ statariis, conquerendi ad potestatem perferendarum querelarum ad ipsum mandantem, s. ad comitia, fas sit argumentari, locus quoque ex ordinatione camer. P. I. Tit. 50. huc trahi poterit, ne quid de aliis dicam.

## §. XVIII.

Ex his omnibus autem inferitur, quandocunque manifesta legum violatio possit ostendi, & summa imperii tribunitalia vel negatae, aut protractae iustitiae postulari, atque accusari queant, quod vel iurisdictionem ultra competentiam extenderint, vel Austregarum instantiam posthabuerint (\*), vel in modo procedendi, aut exequendi peccauerint, vel alias iuribus ac privilegiis statuum, quae ipsis vel vigore legis, vel iure consuetudinis & obseruantiae, competunt, vlla ratione derogauerint, posse, hisce casibus existentibus, grauatos grauamina sua in comitiis proponere.

*Conclusiones, ex legibus altatis formatæ, ad plures casus spectant.*

## §. XIX.

In thesi quoque, vt loqui mos est, casus memorati nulli videntur dubitationi esse obnoxii, quandoquidem nihil tam naturale est, quam vt querelae, contra iudices exortae, ad illum fontem perferantur, vnde omnis ad illos, quam

*Qui in thesi minus dubiis habent, quam in hypothesi.*

(\*) *Recursum ad comitia imperii vniuersalia, ob statibus imperii Austregarum denegatam instantiam, peculiari schediastmate sistit BERNH. FRIED. RVD. LAVHN, Vinariae 1738. edito.*

## XXVIII      RECVRSV AD COMITIA

quam nomine Imperatoris & imperii exercent, iurisdictione promanavit (\*). In hypothefi vero determinare, quanam exempla sub hoc vel illo casu comprehendi queant, hoc opus, hic labor est.

### §. XX.

*Causa potissima frequenter ad comitia recursum a cessantibus Visitatorum functionibus repositur.*

Quantacunque etiam existimatione, virtute ac iudicandi facultate, polleant summorum in imperio R. Germanico tribunalium assessores; quum homines tamen sint, humani aliquid ipsis quoque accidere posse, nemo facile negabit. Quod quum probe perpenderit Imperator & status imperii; non ita ipsis iuris dicundi auctoritatem tribuerunt, vt se simul suprema inspectione & omni arbitrio circa causas iustitiae abdicarent; quin potius pro tuendis cuiusque iuribus certiusq. asserendis comitia repraesentantia, siue commissarios statarios, Visitatorum nomine notos, deputarunt, qui querelas contra sententias audirent, earumque iniquitates non minus corrigerent, quam defectibus ac morbis iudicii medicinam pararent (\*\*). Optimo sane con-

(\*) Id enim esse, quis dubitet, quod vult R. I. nouiss. §. 165. An Ort und Enden, wo es sich nach Inhalt der Reichs, Satz- und Ordnungen gebühret ic. Scilicet comitia hic intelligi, nullum est dubitum, quum, ad ea reformationem iustitiae spectare, tot Reccessus imperii & acta comitialia doceant. Conf. *Quinquertium camerale* Qu. II. §. 79.

(\*\*) Conf. ord. cam. de 1555. p. I. Tit. 50. §. 1. & p. III. Tit. 57. §. 1. Add. Visitations. Abschiede de ao. 1531. vsq. ad annum 1600. R. I.

confilio, quod probe animaduertit LIMNÆVS (\*), hoc remedium tam intuitu ipsorum iudicum, quam respectu litigantium, a maioribus introductum est; siquidem illi, dum norunt, acta post latam sententiam reuideri, maiore diligentia examinant cuncta & accuratius pensitant, hi vero securi esse queunt, etiamsi priores iudices aliquid neglexerint, cura tamen posteriorum id restitutum, atque iniquum tandem aliquando ad æquum iri reductum. Verum enim vero, quum superiorum historia temporum nos satis edoceat, deputationes atque visitationes illas, licet sapienter institutas olim, dudum tamen desuisse atque in desuetudinem abiisse, quidquid demum in causa fuerit (\*\*); mirandum non est, deficiente remedio iuris in melius reformandi ordinario, laesos sententiisque grauatos in subsidium ad ipsa imperii comitia frequenter recurrisse.

# §. XXI.

R. I. nouiss. §. 128. sqq. Edictum Caesar. de ao. 1668. apud FABRVM in der Staats. Consuley, T. V. p. 202. sq. Recess. visit. nouiss. de ao. 1713. Add. qui de visitationibus tum ordinar. tum extraord. fusius agit, HENR. HENNIGES *de summa Imperator. Rom. potest. circa profana* c. 2. § 68. & PFEFFINGER in *Viriar. illustr.* L. III. Tit. X. §. 12. not. c. T. III. p. 708 item *Quinquersium camerale*, Quacst. II. & IV.

(\*) *In iure publ.* L. IX. c. 2. n. 103.

(\*\*) Rationes huius rei adfert LIMNÆVS l. c. n. 198. Add. NOLDEN *de Nobilit.* c. IX. n. 227. TEXTOR *de Rat. status Germ.* p. 475. LVDOLPH *de iure cam* p. 326. Add. Celebrerr. KOELERI nostri *Deutsche Reichs. Historie*, pag. 639.

## §. XXI.

*Quarum re-  
stitutions  
per Capitula-  
tionem nouiss.  
Recurfus re-  
stringendus  
est.*

Ne autem conuentus, negotiorum publicorum causa potissimum instituti, tandem faciem iudicii super-Supplicationis, aut super-Reuisionis, vt ita dicam, in causis priuatis induant, prudenti consilio natis inde abusibus medela quaesita est in Capitulatione nouissima per deputationes imperii visitationesque proxime restaurandas (\*).

## §. XXII.

*Non tamen  
inde plane il-  
lum sublatum  
esse, ex a-  
liis Capitula-  
tionis locis  
probat.*

Sicuti tamen haec ipsa dispositio modum tantum poni vult Recursui ad comitia (\*\*); ita dici nequit, per eam omnem plane Recursum esse sublatum. Vt enim taceam, quoad casus, legibus imperii expressos, quos supra recensuimus, nihil prorsus hic immutari, atque hinc locum habere, quod alias ICTi in ore habent, quae abrogata non sunt, stare cur prohibeantur, contrarium etiam, quod ad reliquos casus, tacite permisos, attinet, ex ipsa Capitulatione-

(\*) Vid. Art. XVII. §. 3. sqq. vbi de visitatione camerali, & Art. XXIV. §. 6. sq. vbi de visitatione iud. imp. aul. quae per Instrum. pacis Osnabr. Art. V. §. 55. Electori Moguntino mandata est, agitur. Conf. Illustriss. AVCTOR *des Europ. Herolds* P. I. p. 200. v. 6.

(\*\*) Verba Capitulationis l. d. sunt clara: auch denen in sehteren Zeiten in Ermangelung des Remedii Reuisionis ad Comitien genommenen Recursibus Ziel und Maass zu setzen ist ic.

tione nouissima Art. XIII §. 6. & 8. satis adparet. Ibi enim Imperator expresse pollicetur, se Archicancellarium Moguntinum, tanquam directorem imperii, non impediturum esse, quo minus grauamina & desideria statuum admittat, quin potius curaturum, vt ipse munere suo directoriali per dictaturam, quae vocatur, sine mora in illis ad collegia procerum imperii deferendis, rite fungatur, neque querentes temere a limine comitiorum repellat.

### §. XXIII.

Neque temere quis adfirmare ausit, Recursum hunc ad infringendam, aut diminuendam maiestatem imperatoriam quidquam facere, quum, ad eam extollendam augendamque illum e contrario multum conferre, haud spernendis rationibus iam ab aliis fuerit euictum (\*), nihilque obstat, quo minus, vt verbis strenui iurium maiestaticorum assertoris (\*\*) utar, *aeque Imperatoris maiestatem cum Germaniae comitiis stare posse, dicamus, ac libertatem cum ipsa maiestate.* In suos tamen Recursum cancellos redigendum, abusus euitandos, & friuole Recurrentes coercendos esse, facile quilibet largiturus est.

*Nec Recursum limitatum auctoritatis imperatoriae officere, asseritur.*

### §. XXIV.

(\*) Vid. *Selecta iuris publ. nouissima*, P. I. c. 1. von dem Comitial-Rekurs und ob derselbe Ihro Kayserl. Majest. allerhöchsten Ansehen und Gewalt zu entgegen oder nicht? Add. Append. apud ESTOR. I. c. §. 36.

(\*\*) *MVLZ. In Maiestate imperat. iuris suo asserta* P. I. c. 13. §. 2.

## §. XXIV.

*Nec omnia  
grauamina  
statuum a vi-  
sitoribus re-  
sistis exa-  
minari pos-  
sunt, sed in  
comitiis pro-  
poni debent,  
quoties in sta-  
tum publicum  
influent.*

Quantumuis etiam viles ac salutares futurae sint reip. Germ. visitationes atque reuisiones per visitatores, si quando reuiuiscant, instituendae; non omnia tamen statuum grauamina sic comparata sunt, vt sine discrimine a reuisoribus examinari atque diiudicari queant. Neque enim omnes eorum controuersiae intra terminos causae priuatae subsistunt, sed subinde statum publicum, si non directe, saltem per indirectum, vt aiunt, attingunt. Quoties igitur accidit, vt membra imperii ita grauentur ab alterutro summorum dicafteriorum, vt grauamen iura statuum communia & sic ipsum statum publicum tangat, toties grauatis apud constatus suos per Recursum ad comitia auxilium quaerere sine dubio integrum adhuc fuerit, quo damnum commune auertatur. Contingit autem eiusmodi grauamen, vbi leges imperii fundamentales, quae Imperatorem & status imperii vi pacti obligant, per iudicata summorum tribunalium violantur, qualis violatio adest, quotiescunque iura, statibus per leges imperii tributa, vel iure obseruantiae competentia, vel plane ipsis auferuntur, vel saltem imminuuntur. Nec quisquam hic obiiciat, ita quamuis causam priuatam facile in publicam commutari posse, cum haud difficile sit statibus, potentioribus praefertim, ceteros in partes suas trahere, variisque rationibus, vt communem causam faciant, commouere. Quod enim per accidens fit & vitio eorum, qui remedio alias licito abutuntur, id non potest legitimo eiusdem vsui esse impedimento.

§. XXV.



## §. XXV.

Caute tamen hic procedendum, nec sine discrimine Recursum admittendum esse, lubens largior, ob ipsum, qui hic sese saepius exferit, abusum, & quoniam plerumque causa cadentes, sub variis praetextibus, sententias summorum tribunalium impugnant, & vel defectum in modo procedendi vel violationem priuilegii obtendunt. Dispicendum igitur ante omnia est, reuerane contra iura statutum aliquid in iudicando fuerit admissum, an apparenter solummodo peccatum. Si enim, ut hoc utar, de quo frequentius disputari solet, ius Austregarum, principi imperii competens, ipsi plane & quidem in causa petitorii fuisset negatum, quod subinde factum esse exempla doceant (\*); dubitandum non foret, quin possit in comitiis inde conquerendi ansam arripere, ob violatum priuilegium primae instantiae, statibus immediatis ideo concessi, ne deterioris conditionis fierent; ac quilibet ciuis mediatus, cui ius suum in causis saepe multo minoris momenti per plures instantias persequi licet (\*\*). Sin contra in speciali forum

*Magna tamen hic cautela est opus, ne promiscue Recursus admittatur.*

(\*) Vid. COCCIVS de *Abusu mandatorum* S. C. T. II. Diff. 64. VFFENBACH de *iudicio Caes.* aul. c. 15. LVDOLPH. de *inre cam.* p. 203. sq. Perill. CRAMER in *diff. bonae frugis plena de Austregis conuentional. in causis mandatorum sine clausula non cessantibus*, Opusculor. T. I. N. XV.

(\*\*) Quae inaequalitatis ratio potissimum Austregarum foro causam dedit, ut patet ex priuilegio Norimb. apud WEHNER in *Tr. de modo appell. in Cam.* cap. VII. n. 34. in GYLMANNI *Symphor.* T. VII.

lum aliquo casu, vbi de possessione tantum litigiosa quaestio est, & positis eiusmodi *facti*, vt aiunt, *qualificati nulloque iure iustificabilis vel iustificandi* circumstantiis, quæ (\*) moram non ferunt, sed celerrimam requirunt expeditionem, & hinc, posthabita instantia Austregali, quippe quæ vinculum iniquitatis fieri non debeat, initium ad praeuendendas turbas, auertendum armorum periculum & laesionem pacis publicae, a praecepto s. mandato S. C. facere permittunt (\*\*), opposita fori exceptio esset reiecta, res vero ipsa dubii adhuc aliquid haberet, tunc ei, qui per sententiam paritoriam, non attentis exceptionibus sub- & obreptionis factique contrarii, latam, grauatum se existimaret, sine dubio remedio tantum ordinario Reuisionis foret vtendum, praesertim, si non de possessorio summarissimo, sed ordinario disceptetur (\*\*\*).

## §. XXVI.

*Distinctio inter sententias iniquitatem & nullitatem rem non conficit.*

Num vero rem acu tetigerint, qui, circa distinctionem inter grauamina in comitiis examinanda & a Reuisionibus excutienda eo respiciendum esse, putarunt, vtrum vnice de

(\*) Vid. Ord. Cam. F. II. Tit. 23. § 23. & Tit. 25.

(\*\*) Conf. LVDOLPH de iure Cam. Sect. I. §. 10. MOSER Einf. zum R. H. Proceß P. I. cap. I.

(\*\*\*) Vid. MOSER l. c. §. 15. item in Tr. de Reuif. Sect. III. §. 1. & in Miscell. iurid. Hist. P. 2. p. 351. Add. LVDOLPH in proc. cam. p. 38. vbi, Austregarum instantiam per Commissiones Caesareas, Rescripta & mandata S. C. fere penitus absorberi, sine dissimulatione fatetur.

de iniquitate sententiae quaeratur, post diligentem causae discussionem, & satis iam vtriusque auditis partibus, publicatae, an sententia vitio nullitatis laboret, atque vel ex persona iudicis & recusati senatus, vel ob defectum in substantialibus processus impugnetur (\*), equidem non video. Cur enim posteriori casu non aequae, ac priori, remedium Reuisionis actorum sufficiens sit ad sententiam per Reuiseurs, si visitationes reuixerint, in melius reformatam, haud adparet; quum visitatoribus non minus morbos iudicii curare & defectus, quos forte in modo procedendi animaduenerint, emendare, quam iniquas sententias corrigere, incumbat.

## §. XXVII.

Sane, si de interpretatione legum imperii authentica sermo sit, aut iura, quae vniuersis imperii ordinibus indubie competunt, in discrimen vocentur, tunc plane aliter dicendum erit; quia temere praesumi nequit, ipsos iuri suffragii super eiusmodi negotiis imperii, sine praescitu comitali nequiquam suscipiendis, renunciassse illud in alios transtulisse. Nam visitatores legislatoria potestate, cuius etiam partem esse legum interpretationem, iam supra dictum est, praeditos esse, salua Imperatoris & statuum imperii auctoritate, adfirmari nequit. Saltem Instrumentum pa-

*Limitatio hic  
adhibetur in  
casu legum in-  
terpretanda-  
rum atque  
emendanda-  
rum.*

(\*) Vid. *Selecta iur. publ. nouiss.* P. III. c. 8. von den Reichs-Cammer-  
Gerichtl. Visitationen, und was dahin zuziehen.

## XXXVI RECURSV AD COMITIA

pacis Osnabr. Art. VIII. §. 2. hac de re aliud prorsus disponit, statibusque imperii *iur suffragii in omnibus deliberationibus super negotiis imperii, praesertim, ubi leges ferendae, vel interpretendae, sine contradictione adserit, atque nihil bonum, nisi de comitali liberoque omnium imperii statuum suffragio & consensu fieri, vel admitti debere*, disertis verbis sancit. Ipsa quoque Capitulatio nouissima Art. XVII. §. 9. senatui primo uisitationum, peracta quidem uisitatione, etiam secundum Recessum Imperii nouissimum negotium reuidentiae emendandaeque ordinationis cameralis committit, sed simul ipsum hac de re, ut pote ad potestatem legislatoriam spectante, ad totum imperium, cuius quoque sententia secundum Art. XXIV. §. 5. super emendatione ordinationis iud. Caes. aul. exquirenda est, referre iubet.

### §. XXVIII.

*De admissione  
vel reiectione  
Recurfus quis  
inducet?*

Ex dictis facile, puto, constabit, per restaurationem uisitationum imperii abusu Recursus in controuersis statuum mere priuatis obicem poni, usum vero eius non penitus tolli. An autem grauamen ita sit comparatum, ut inde violatio legum imperii & iurium statuum adpareat, nec ab opinione Recurrentis sola, nec a determinatione iudicii, unde recurritur, nec a solo Imperatoris arbitrio, aut decisione vnus alteriusue collegii pendet, sed maioribus omnium ordinum, qui non solum in communionem publicorum consiliorum, sed etiam imperii consortionem

re-

## RESTRICTO NON SVBLATO. XXXVII

recepti pro salute communi excubias agunt, votis definiri debet. Quando enim hi in caussa, quae ad omnes redundat, se per iudicatum Caesareum laesos credunt, tunc inter eos atque Imperatorem de limitibus summae potestatis lis oritur, cuius decisio pertinet ad comitia.

### §. XXIX.

Ceterum Recursum huncce, quippe quo per modum simplicis querelae tantum vtuntur grauati, intuitu introductionis non, vt Appellationem, vel aliud remedium iuris, fatalibus certis ac terminis praeclusivis adstrictum, sed pro introducto habendum esse, simul ac grauamina cum iis communicata sunt, quorum supremæ inspectioni imperii tribunalia subiacent, extra dubitationis aleam positum est (\*).

*Nullis fatalibus Recursus est adstrictus.*

### §. XXX.

Neque veritas grauaminum ad fundandum Recursum solenni probatione, qualis in foro contentioso requiritur, & qualem non fert ratio comitiorum, opus habere, sed demonstratio saltem, quam in iure vocamus, per documenta iudicialia transumpta sufficere censetur (\*\*).

*Nec solennem probationem requirit.*

### §. XXXI.

(\*) Vid. *Electa iur. publ.* T. X. pag. 600. & *Selecta iur. publ. nouiss.* p. 1. § 4.

(\*\*) Vid. GUNDERRODE, l. c. §. 12. ibique MOSERVS.

## §. XXXI.

*Qualem effectum habeat Recursus, distinetur.*

An vero per Recursum executio sistatur, plus dubii videtur habere. Aientem amplectentes sententiam vrgent, ob hanc ipsam causam praecipue ad comitia grauatos omni-que alio destitutos iuris auxilio confugere, quia nondum de iustitia sententiae, a summis imperii tribunalibus latae, constet. Vnde spe melioris iuris consequendi plane frustrarentur Recurrentes, si ante vltiorem causae discussionem illa statim executioni daretur. Qui contra denegant Recursui hanc suspendendi vim, ab ipsa Reuisione, in cuius tamen subsidium tantummodo huc vsque plerumque fuit adhibitu istud vltimum remedium, argumentum ducunt, atque ad Recessum Imp. nouiss. §. 124. pariter, ac Capitulat. Caes. Art. XVII. §. 2. prouocant, vbi nec Reuisioni effectus suspensiuus, sed deuolutiuus solum tribuitur, parte victrice interea ad cautionem, si forte succumbat deinde, admissa.

## §. XXXII.

*Ante inhibitionem executionis, non obstante Recursu, procedit.*

Nec suis destituuntur rationibus, qui sic argumentantur, quum litium immortalitati & remoris iustitiae illis ipsis constitutionibus imperii obuiam itum fuerit. Nec quidquam adeo aliud operabitur Recursus, si quoque admittatur in comitiis, quam deputationem extraordinariam, quae nomine Imperatoris & imperii acta inspiciat, factum examinet, causam diiudicet & vitium, vel inprocedendo, vel iudicando forte com-

commiffum, emendet. Certe, antequam inhibitio comitialis fequatur Recurfum, Directores circularum, quibus executio fuit mandata, inoffenfo pede in exequendo pergere queunt. Hinc, fi hoc impedire velit Recurrens, prima eius cura effe debet, vt poft exhibita grauamina fua inhibitoriales, vti vocantur, impetret. Sed plura de hac materia iam addere & fcriptionis huius cancelli, & temporis anguftiae vetant. Quare hic fubfifto & ad ipfa collegia, quorum indicandorum cauffa haec fcripfi, me conuerto.

\* \* \* \* \*

Iam vero intellixiftis, Generofiffimi Nobiliffimique Commilitones, amor ac delictum noftrum, ex publico lectionum catalogo nuper typis exfcripto, cum publicas operas, meas, tum priuatas, quas per instantem hiemem ftudiis veftris dicaui. Nihil igitur nunc fupereffe, video, quam vt breuiter hic vobis exponam, quibus horis quaque ratione fingu-  
 las fm expediturus.

*Epilogus  
 Collegiorum  
 hibernorum  
 index.*

Scilicet publicis praelectionibus deftinata manet hora pomerid. III. qua ad ductum Celeberr. ENGA VII, ius Germ. tradere conftitui, quod non fine magno ftudioforum damno negligi plerumque folet, non minus tamen iis neceffarium eft, quam ftudium iurium peregrinorum, nifi eiusdem contumeliae participes fieri aliquando velint, qua velut tractus demum, Seruius operam dediffe legitur iuri ciuili, poftquam obiurgatus effet a Q. Mutio, qui dixit: *turpe effe patri-  
 tricio & nobili & cauffas oranti ius, in quo verfaretur, ignorare.*

Pri-

Priuatim hora mat. X. *ius publicum imperii Rom. Germ.* docebo, praecunte Ill. MASCOVIO, praeceptore olim meo exoptatissimo, quem ducem mecum secutos esse, eo minus Vos poenitebit, quo planiorem in proponendis, solidiorem in confirmandis, solertioremque in illustrandis *Principiis* suis deprehendetis. Ita vero in illorum explanatione versabor, ut non tam historiae antiquae, ample satis iam ab ipso auctore excussae, immorari, quam ea potius vberius explicare sit animus, quae ad iuris disciplinam pertinent & hodie adhuc in ipsis rerum obtinent argumentis. Quare nuperas inprimis mutationes accurate percensebo & vbique digna memoratu ex Capitulatione nouissima suppeditabo, memoriam vestram annotationibus calamo excipiendis subleuaturus.

Eodem subsidio vestram iuuabo diligentiam in explananda STRVVI *iurisprudentia Roman. Germ. forensi* ad quam hora XI. commentabor.

Reliquum operae mancipatum est auditoribus selectionibus, qui vel, Excellentiss. consultissimoque HOMMELIO duce, rei iudicariae felici cum successu se assuefacere, & ad expeditam actorum forensium lectionem atque non tam causas orandas in foro, quam ad iustas de illis sententias ferendas animum praeparare, vel ingenium disputando exercere cupiunt.

Fiet, auspice Deo, lectionum nostrarum initium proximo die Lunae. Quibus ut frequentes adesse, & assidui interesse velitis, Commilitones suauissimi, humanissime Vos rogo. P. P. d. XIX. Octobr. clc lccc XLIII.

